

Inatsisartut inatsisissaattut siunnersuummut oqaaseqaatit

Oqaaseqaatit nalinginnaasut

Siunnersuutip tunuliaqutaa:

Ataatsimiinnermi matumani ilinniagaqarnersiat pillugit Inatsisartut inatsisissaattut siunnersuut Naalakkersuisut saqqummiutissavaat. Siunnersuummi § 30-mi allassimavoq ilinniagaqarnersiaqalersitaaneq pillugu aalajangiinerit Naalakkersuisunut suliaassanngortinneqarsinnaasut Ilinniagaqarnersiat pillugit Maalaaruteqarfimmut maannamut atorunnaartussatut siunnersuutigineqartumut taarsiullugu.

Ilinniagaqarnersianit akiitsut taarsersornissaannut tapiissutit pillugit Inatsisartut inatsisaat malillugu aalajangiinerit pillugit naammagittaalliutit, takuuk § 11, Maalaaruteqartarfimmut suliaassanngortinneqarsinnaapput. Inatsisartut inatsisaat taanna malillugu naammagittaalliutit kisiisa pillugit Maalaaruteqartarfiup attatiinnarnissaa pissusissamisoornaviangilaq, taamaattumillu inatsit malillugu naammagittaalliutit aamma Naalakkersuisunut suliaassanngortissinnaanissaat siunnersuutigineqarpoq.

Allannguut ilinniagaqarnersianut tunngatillugu Ilinniagaqarnersiat pillugit Nassuiaammi maj 2002-imeersumi tapersersorneqarpoq. Tamatumunnga pissutaavoq naammagittaalliutit maalaaruteqartarfimmut suliaassiissutigineqartartut ilinniagaqarnersianut maleruagassat inatsisilerinikkut nassuiarnissaat pineqarajuttarmat, tassanilu inatsisilerinermik ilinniagaqarsimanngitsut imaaliallaannaq atorfissaqartinneqartaratic. Aamma oqaatigineqassaaq naammagittaalliutit ingerlatsiviginerat eqaallisarneqassammat sullissisartumit inatsisilerituumit kisimi nalileqqinneqartalerpata sullissinerlu sivikinnerulissalluni.

Tunngavilersuutit taakkorpiaat ilinniagaqarnersianit akiitsut taarsersornissaannut tapiissutit pillugit aalajangiinernut naammagittaalliutinut aamma tunngavilersuutigineqarput.

Aningaasatigut allaffissornikkullu kingunissat:

Naammagittaalliuuteqartarfiup atorunnaarsinneratigut annikitsumik sipaaruteqartoqassaaq. Tassani ukiumut ataasiarluni Sisimiuniit Nuummut uterlugulu angalaneq inummumut ataatsimut najugaqartinneqarnerlu pineqarpoq kiisalu inunnut sisamanut ataatsimiinnersiutit ukiumut ulloq ataaseq. 2002 2003-imilu Naammagittaalliuuteqarfimmut aningaasartuutit 110.000,- kr.-iupput. Naammagittaalliuuteqartarfiup atorunnaarsinnera aningaasartuutit amerlaqataanik

sipaarutaassanngilaq, naammagittaalliutit suliarineranut suli aningaasartuuteqassamat.

Siunnersuutip akuerineqarnera allaffissornikkut sunniuteqassanngilaq.

Tusarniaaneq:

Siunnersuut tusarniaassutissatut nassiunneqarsimanngilaq, tassa Naalackersuisut ilinniagaqarnersiutit pillugit inatsisissatut siunnersuummi maalaaruteqarfissatut siunnersuutigineqarsimammata Naammagittaalliuteqarfillu atorunnaartussatut siunnersuutigineqarsimalluni, siunnersuullu taanna tusarniaassutigineqareerluni.

Inatsisissatut siunnersuummi aalajangersakkanut ataasiakkaanut oqaseqaatit

§ 1-imut

§ 11, imm. 1-imut

§11, immik. 1 inatsisitigut tunngavissiivoq ilinniagaqarnersianit akiitsut taarsersornissaannut tapiissutit pillugit aalajangiinerit pillugit allakkatigut naammagittaalliutit Naalackersuisunut suliassanngortinnissaannut.

Manna tikillugu aalajangiussat Ilinniagaqarnersiat pillugit Maalaaruteqarfimmut saqqummiunneqarsinnaasarsimapput taannalu atorunnaarsinneqassasoq siunnersuutigineqarpoq.

Naammagittaalliornissamat killiliussaq aamma allanngorneqarpoq, tassa siunissami aalajangiinerup kingorna sapaatit akunnerinut 6-nut sivitsorneqarmat maannamut aalajangiinerup kingorna tigoreerneraniit sapaatit akunneri sisamaasimagaluartut.

Malugeqquneqarpoq maalaarnissamat killiliussaq annertusineqarsimammata siusinnerusukkut sapaatit akunneri sisamaasimagaluarlutik maanna sapaatit akunneri arfinilinningsimammata killiliussarlu maanna ulloq aalajangiiffiusumiit naatsorsorneqartalermit siusinnerusukkut aalajangiussap nassiussarsiaralugu tigungeranuisimagaluartoq. Taamatut allannguisoqarneranut pissutaavoq siusinnerusukkut aalajangiussaq nassiunneqarsimatillugu, allakkatigut tammatsaalisannorlugu nassiunneqarsimanngikkaangat, tiguisup qangarpiaq tiguisimaneera uppersarsallugu ajornartorsiutigineqartarsimammata. Taamaattoq taamatut periuseqarneq allaffissorneq eqqarsaatigalugu pjarissersuutaaqisutut isigineqarpoq frimərkitigullu akiligassat annertusisussaasammata tamanna annertoorsuarmik aningaasartuutaalertussaavoq.

Maalaarut killiliussaq kingoqqullugu tunniunneqarpat tigujumaneqanngissinnaavoq.

§ 11, imm 2-mut

Immikkut akuerineqarsinnaanermut aalajangiussaq eqqunneqarsimavoq ilinniartup inatsisitigut pisinnaatitaaffii innarlerneqaqqunagit. Ilinniartoqariataarsinnaagami maalaarfissap killiliunneqarfia qaangiutsinnagu aalajangiussamik tigusinngitsoorsimasumik.

Immikkut akuersissutit tunniunneqarsinnaapput, ilinniartup uppersarsarsinnaaguniuk qularnaallisarluguluunniit maalaarfissap killiliunneqarsimanera assersuutigalugu angalanini pissutigalugu killililuffissaq eqqorlugu maalaarsinnaasimangikkuni.

§11, imm 3-mut

Nutaartarissavaa Naalakkersuisut maalaarsinnaanerup ingerlaaseqarnissaa pillugu ersarinnerusumik malittarisassiorsinnaanissaat periarfissaliunneqarsimammat tassanilu maalaarutit pillugit ingerlaasissaq qanoq ittuussanersoq.

§ 2-mut

Imm 1-imut

Inatsisartut inatsisaat atuutilissaaq ilinniagaqarnersiat pillugit Inatsisartut peqqussutaani aalajangersakkap atuutilernissaanut peqatigitillugu. Siunnersuutigineqarpoq inatsisartut peqqussutaat atuutilissasoq 1. januar 2005.

Imm. 2-mut

Tassunga atatillugu ersarissarneqassaaq Ilinniagaqarnersiutit pillugit Naammagittaalliuuteqartarfiup maalaarutit 1. januar 2005 tikitsinnagu tiguneqarsimasut suliaralugit naammassereersimassagai.